

Arends mester controla su doño di trabou den Parlamento

Contracto Richard Arends ta contra base di Parlamento

**Regla credencialnan ta proteccion di Aruba contra corrupcion*

**Pueblo di Aruba atrobe confronta cu abuso intelectual secreto*

ORANJESTAD(AAN)--Durante ultimo siman Aruba a wordo confronta cu otro conflicto politico den cual atrobe por mira con e base legal di Aruba ta wordo troci. Pueblo di Aruba ta wordo confronta cu abuso di supuesto intelectualnan politico cu ta introduci formulanan cu ta contra leynan cu hopi bes pueblo no conoce.

Tur informacion cu DIARIO a compila durante ultimo dianan ta indica cu no ta posibel cu Richard Arends ta miembro di Parlamento y na mes momento director di un compania di estado di Aruba, cu mester atende un di e asuntunan mas grandi cu a causa e crisis di Aruba.

E Leynan cu ta atende cu e caso specifico di Richard Arends, tin nan motibo di existencia den medidanan legal pa evita cu corrupcion por tuma luga den seno di Parlamento di Aruba, cu ta repre-

sentacion di pueblo.

Esaki ta encera cu mester tin garantia cu bienestar di Aruba ta wordo sirbi y ningun otro bienestar.

Tin exigencia clave pa un hende bira miembro di Parlamento. E mester entrega su credencial cu el a wordo eligi como tal. E mester entrega e prueba di Oficina di Censo cu el a wordo eligi y cu el a acepta su eleccion.

Un comision ta atende si e por drenta Parlamento durante e ultimo sesion prome cu e miembro ser admiti.

Pa evita conflicto di interes, corrupcion Ley ta exige pa no tin relacion familiar estrecho entre miembronan di Parlamento y cu e no ta ocupa puestonan manera den servicio di gobierno.

Si Parlamento tabata consciente di e relacion di trabou entre Richard Arends ora el a entrega su credencialnan, Parlamento lo a dicidi

si di berdad por asumi cu e no ta den servicio directo di gobierno di Aruba.

Den e caso aki e ta director di un compania di gobierno, cu ta wordo considera awor dor di su partido como un personalidad legal riba su mes. E problema grandi tabata cu e no a haci mencion di e hecho cu e tabata director di Refineria di Aruba cu den ultimo temponan sigur ta di importancia pa Aruba debi na e proyecto di Citgo na cual e ta debe su existencia.

Ta resulta cu ta permiso special di Mike de Meza e tin pa e por keda den Parlamento te eleccion di 2021.

Expertonan riba tereno constitucion ta muestra cu Richard Arends por bisa cu e no a presenta nunca na trabou ni cobra, pero e ta den servicio a base di e contracto cu e tin cu Refineria di Aruba y e permiso special di Mike de Meza pa e

keda den Parlamento.

Expertonan ta muestra cu Parlamento for di 2016 mester tabata na haltura cu tanto como Ministro como Miembro di Parlamento e tabata tin un relacion directo cu e Refineria di Aruba como compania di estado.

Aunke e companianan di estado no ta regla como departamento di gobierno, tin un interes importante cu e mester controla como Miembro di Parlamento, cu mester tabata na haltura di e areglo.

E reaccion politico di AVP a kita e atencion cu e asunto aki merece, pero mester atende e asunto segun expertonan cu ta indica cu atrobe leynan di Aruba ta den wegá y cu mester bira conoci pakico e asunto aki a keda secreto pa Parlamento di Aruba den un tempo cu e parlamento mester a controla Refineria di Aruba debidamente. Top of Form.